

Kolegio Ehekutivo di Entidat Públiko Bonaire
Parke Wilhelmina #1
Kralendijk
Bonaire C.N

Apresiabel Kolegio,

Komo miembro di Konseho Insular, mi ta sumamente desapuntá ku nos Kolegio Ehekutivo no ta logra cumpli ku algun di su obligashonnan legal ku e tin pa ku Konseho Insular. Esaki ta debilitá funshonamentu di e Konseho Insular, e ta baha e nivel di kontenido di funshoná, e ta stroba e tarea di tene supervishon i kontrolá Kolegio Ehekutivo den ehekushon di maneho i kuné e ta stroba nos supervishon i kèntròl di e uso legal i efektivo di tantu fondonan como biennan di e komunidat.

Fundamental den esaki ta ku Kolegio Ehekutivo tin e obligashon di informá Konseho tur loke Konseho ta deseá ku eksepshon di informashonnan ku ta konfidensial o ta peligrá seguridat di nos komunidat. Esaki ta ankrá den WOLBES.

Artíkulo 159 te ku 164 Wolbes ta duna Konseho Insular e outhorisashon i kompetensia pa hasi pregunta, hasi interpelashon i hasi investigashon riba gobernashon.

Artíkulo 171 ta preskribí ku Kolegio Ehekutivo mester duna Konseho tur informashon rekerí i responsabilisá nan maneho i toma di deshonnán.

Artíkulo 172 ta regla e supervishon di gezaghèber pa garantísá kumplimentu di prinsipionan di bon gobernashon.

Artíkulo 182 ta regla e responsabilisashon di gezaghèber na Konseho Insular di e maneho i deshonnán ku e ta tuma.

Artíkulo 183 te ku 186 ta regla e fluho di informashon ku Kontrolaria General mester duna Konseho Insular.

Si nos ta cumpli ku e lei- i reglanan aki, e ta duna nos -pero mas tantu nos komunidat- e garantia i trankilidat ku nos ta hiba un gobernashon na nivel, ku vishon i ku e proseso demokrátiko di "check and balance" ta funshoná, esta Kolegio Ehekutivo ta ehekutá i Konseho Insular ta supervisá, kontrolá i kaminda ta nesesario korigí.

**Frakshon Coffie
Konseho Insular Bonaire**

Pasanggrahan
Parke Wilhelmina 2
Kralendijk
Bonaire, C.N.

Persona di kontakto:

Désirée Coffie
Miembro di Konseho Insular

T: 715 5330 tst. 1414
frakshoncoffie2020@gmail.com

Fecha:
8 di novèmber 2021

Tópiko:
Falta informashon pa KI p
or funshoná

Referensia:
FC2021036

Lamentablemente mi mester konstatá ku esaki strukturalmente no ta e caso. Preguntanan no ta keda kontestá òf ta kontestá mitar ku e konsekuensia ku un òf otro tópiko/tema nunka por keda finalisá na un manera efikas i efektivo. Nan ta keda kologá. Igualmente ta e caso ku risibimentu di informashon i/o dokumentonan riba un òf otro tema/tópico. Kuantu biahá ta sosodé ku mester posponé tratamiento di un tema sea den reunion di komishon fiho, sea den reunion di forma opinion i tin bes asta den reunion di toma di desishon, pasobra simplemente Konseho Insular no ta disponé di tur informashon nesesario pa yega na un desishon balansá i responsabel.

E situashon aki ta frustrante, iritante i ta pone komunidat pèrdè tur konfiansa den su gobernashon. Konfiansa ta algu sumamente importante pa krea komprehension i sosten den komunidat pa e maneho ku Kolegio Ehekutivo ta hiba. Ya pa basta tempu mester konstatá ku spesialmente koalishon -pa mantené e asina yamá "stabilidat gubernamental"- ta bai di akuerdo numa ku maneho defisiénte, maneho mankaron ku opservashonnan manera "mi ta bai di akuerdo si, pero....." Klaramente un aktitud di laga bai numa pa no krea konflikto político.

E situashon aki no ta sano i meresé tur atenshon di Kolegio Ehekutivo inkluso nos gezaghèber. E aktitud aki ta krea e impreshon ku Kolegio Ehekutivo ta neglighá su tareanan i ku e peliger ta ku en bes di e desaroyo bai den e direkshon ku mas i mas nos ta prepará nos mes pa tuma tareanan over basá riba prinsipio di supsidiaridat i desentralisashon, nos ta tuma nota di un tendensia di sentralisashon di tareanan. No ta eseí tabata e intenshon ora nos a skohe e status aktual di e relashon estatal ku Hulanda.

Mi ta spera ku e karta aki ta un "wake-up call" i ku den e tempuan benidero nos lo hasi tur esfuerzo pa trese mehorashon den esaki na bienestar di funshonamentu di bon gobernashon.

Atentamente,

Désirée E. Coffie
Miembro di Konseho Insular Boneiru